

Mashruuca Text4College Project: Macluumaad loogu talagalay Waalidiinta iyo Masuulada



Machadyada Cilmi Baadhista ee Mareykanka (AIR) waxay iskaashanayaan Waaxda Waxbarashada ee Minnesota, Kuliyadaha iyo Jaamacadaha Gobolka Minnesota, iyo Xafiiska Tacliinta Sare ee Minnesota si ay u ogaadaan in xusuusinta farriinta qoraalka taleefanku ay ka caawinayso ardayda inay dhammaystiraan howlaha ay u baahan yihiin si ay kuleej u galaan. Mashruucan waxaa lagu maalgeliyey deeq ka timid Machadka Cilmiga Sayniska ee Waaxda Waxbarashada Maraykanka. Dhammaan ardayda ku jirta sanadka ugu dambeeya dugsiga sare ee qalinjabinaysa ayaa waxaa lagu casuumi doonaa inay ka qayb qaataan daraasadda, ka qaybgalkuna waa ikhtiyaari. Haddii aad jeclaan lahayd inaad ka baxdo ka qaybgalka adiga oo metelaya ardaygaaga, fadlan soo buuxi foomka ku yaalla bogga xiga.

Si aad wax badan uga ogaato mashruuca Text4College, fadlan booqo www.text4college.com.

Ka qayb qaadashadu waxay u fududahay sida 1, 2, 3. Ardaygaagu wuxuu. . .

1	Wuxuu dhamaystiri doonaa 10 daqiiqo oo ra'yi ururin ah inta lagu jiro maalinta iskuulka. Ra'yi ururinta waxaa ku jiri doona ilaa 15 su'aalood. Ardayda waxaa la weydiin doonaa inay sheegaan jinsiyadooda iyo qowmiyadooda, noocyada raageerada kulleejada ee laga heli karo iskuulkooda ama bulshadooda dhexdeeda iyo haddii ay isticmaaleen taageerooyinkaas, iyo waxa qorshohoodu uu yahay qalinjabinta ka dib. Macluumaadka laga helo ra'yi ururinta ayaa wuxuu ka caawin doonaa cilmi baarayaasha AIR inay fahmaan cida ay fariimaha qoraalka taleefanku ay inta ugu badan caawiyaan. Ardaydu waxay dooran karaan inaysan ka qaybqaadan daraasadda wakhti kasta. Haddii ay doortaan inay ka qaybgalaan, waxay dhiiban doonaan lambarka taleefanka gacanta ee ay rabaan inay ku helaan farriimo qoraal ah oo la xiriira isdiwaangalinta kuleejka.
2	Waxay heli doonaan 10 illaa 15 farriimo qoraalka taleefanka ah <i>xagaaga kulleejka kahor</i>. Cilmi baareyaasha AIR ayaa waxay dooran doonaan ardayda heli doota farriimahan qoraalka taleefanka iyaga oo adeegsanaya habka bakhtiyaanasiibka. Ardayda la doortay ayaa waxay heli doonaan farriimo qoraalka taleefanka ah oo ku saabsan howlaha ay u baahan yihiin inay dhammaystiraan ka hor intaysan bilaabin simistarkooda deyrta. Haddii ardaydu su'aalo qabaan ama ay caawimaad u baahdaan, dib ayey farriin ugu diri karaan oo ay ula xiriiri karaan lataliye tababarar. Ardaydu way ka bixi karaan fariimaha qoraalka taleefanka ah wakhti kasta. Ardayda aan loo dooranin inay helaan farriimaha qoraalka taleefanka ee qayb ka ah daraasaddani waxay sii wadi doonaan helitaanka dhammaan taageerooyinka sida caadiga ah la siiyo ardayda ka hor intaysan bilaabin kuleejka.

3

Waxay heli doonaan 10 illaa 15 farriimo qoraal ah taleefanka ah inta lagu jiro sanadka ugu horeeya ee kulleejka. Baarayaasha jooga AIR ayaa waxay dooran doonaan qaar ka mid ah ardayda heshay fariimaha qoraalka taleefanka ee xagaaga ee ka diiwaangashan kuleej si ay u sii wadaan helitaanka farriimaha illaa sanadkooda koowaad. Mar labaad, ardayda waxaa lagu dooran doonaa hab bakhtiyaanasiib ah. Ardayda la doortay ayaa waxay heli doonaan farriimo qoraalka taleefanka ah oo ku saabsan howlaha ay u baahan yihiin inay dhammaystiraan si ay usii diiwaangashanaadaan sannadka soo xiga ee kulleejada. Sida fariimaha qoraalka xagaaga, ardaydu waxay awoodi doonaan inay farriin qoraal ah dib u soo diraan si ay ula xiriiraan lataliye tababaran oo siin kara caawimaad ugana jawaaba su'aalaha. Ardaydu way ka bixi karaan fariimaha qoraalka taleefanka ah wakhti kasta. Ardaydaas aan loo dooranin inay helaan farriimaha qoraalka taleefanka ee qayb ka ah daraasaddani waxay sii wadi doonaan helitaanka dhammaan taageerooyinka sida caadiga ah laga helo kulleejka ay dhigtaan.

Waa maxay sababta uu ardaygaygu uga qaybgalayo arrintan?

Ka qaybgalku waa fudud yahay waqti badana ma qaato. Fariimaha (text) waxa ay xasuusin doonaan ardayga inuu soo dhameystiro hawlo muhiim ah ee la xiriira isu diiwaangelinta kuleejku. Ardayda waxay dib u diri karaan fariin (text) ah si ay ugu xirmaan dad dhab ah hadii ay u baahan yihiin caawimaad ama ay qabaan su'aalo. Ka qaybgalku waxa uu ka caawin karaa ardayga inuu kuleej helo uuna sii wato kulleejkaa.

Sidee ayay AIR u isticmaali doonaan xogta ardaygaaga?

AIR waxay u adeegsan doontaa jawaabaha ra'yi ururinta ardaygaaga si ay u go'aamiso in ardaygaagu u qalmo inuu helo farriimaha qoraalka taleefanka, oo waxaanu sidoo kale adeegsan doonaa macluumaadka xiriirka ee uu bixiyay si aan ugu dirno farriimo qoraal taleefanka ah ardayda la soo xulay iyada oo loo marayo qalabka loo adeegsado fariinta qoraalka taleefanka oo la yiraahdo Signal Vine.

Macluumaadka ay AIR la wadaagi doonto dugsigiina sare: Lama wadaagi doono jawaabaha ra'yi ururinta ee ardaygiina dugsiga sare. Waxaanu la wadaagi doonaa boqolkiiba guud ahaan ardayda dooratay jawaab kasta oo ku jirta warbixin loo dirayo dugsiga sare ee ardaygiina. Waxaanu sidoo kale la wadaagi doonaa in ardaygiinu uu ra'yi ururinta ku qaatay isaga oo u maray la taliyahooda dugsiga sare. Helitaanka ra'yi ururinta balse aad dooratay in aadan ka qayb qaadanin waxaa lagu tirinayaa sidii in aad qaatay daraasada.

Macluumaadka ay AIR la wadaagi doonto kulleejka ardaygaaga iyo ay ka heli doonto kuleejkooda: AIR waxaa laga yaabaa inay la wadaagto macluumaadka aqoonsiga ardaygaaga sida magacooda, dugsiga sare, iyo taariikhda dhalashadooda kulleejka uu ardaygaagu u sheego in uu qorsheynayo in uu dhigan doono. In aanu siino macluumaadkan kulleejada ayaa wuxuu naga caawin karaa inaan xusuusinta farriinta qoraalka taleefanka ee saxda ah u dirno ardaygaaga. Kuleejku waxaa laga yaabaa inuu nala soo wadaago xogta waxbarasho ee ardaygaaga, oo ay ku jiraan laakiin aan ku xaddidnayn in ardaygaagu dalbaday ama dhammaystiray foomamka lagama maarmaanka u ah isdiiwaangalinta kulleejada, in uu xaraystay Codsiga Bilaashka ah ee Gargaarka Ardayga ee Federaalka (Free Application for Federal Student Aid (FAFSA®)) oo uu buuxiyey tallaabooyinka kale ee lagama maarmaanka u ah helitaanka kaalmada maaliyadeed, in uu ka qaybgalay ama dhameystiray howlaha jihataynta (orientation) ama munaasabadaha, in uu codsaday in

darajada buundooyinkiisa (transcript) ugu dambeeyay ee dugsiga sare loo diro kulleejadooda, in ay dhameystireen imtixaanka ku meelaynta koorsada haddii loo baahdo, in uu la kulmay lataliye oo loo diiwaan geliyey koorsooyin, in la bixiyey kharashyada waxbarashada, ama in uu isqoray oo uu aaday fasallada.

Maxay yihiin khataraha ka imaan kara ka qaybgalka?

Ma jiraan waxa khataro ah oo la xiriira ka qaybgalka aftidan.

Sidee ayey Hay'ada (AIR) u ilaalin doontaa akhbaarta ardaygayga?

Hay'ada (AIR) waxa ay raacdaa hab-dhaqanka ugu fiican hab-dhaqadanada ee lagu dhowri karo laguna ilaalin karo macluumaadka ardayga. Magaca iyo taariikhda dhalashada ardayga waxaa la wadaagi doonaa uun si la isu waafajiyo lambarka aqoonsiga (ID) ardayga ay siisay hay'ada tacliinta ee gobolka iyo aqoonsigoodaa (ID) kulaajka. Kolka daraasadu dhamaato ka dib macluumaadkaa waa la tir-tiri doonaa. Ulama wadaagi doono akhbaartan cid kale ujeedooyin kale. Hay'ada (AIR) waxa ay la wadaagi lambarka telefoonka gacanta ee ardayga kaliya Signal Vine adeega fariimaha qoraalka ah. Jawaab-celinta aftida ee ardayga waxaa isticmaali doono hay'ada (AIR) si ay u go'aamiso kuwa ay yihiin ardayda xaqqa u yeelanaysa fariimaha (text) iyo kuwa ay yihiin ardayda inta ugu badan ka faa'iidayda helida fariimaha. Hay'ada (AIR) ma siin doonto lambarada telefoonada gacanta ee ardayda ama wax macluumaad ah oo aftida ku saabsan oo uu leeyahay shakhsi arday ahi dugsiyada sare ama cid kale. Wixii akhbaar ah ee ku saabsan hay'ada (AIR) ilaalinteeda macluumaadka, fadlan kala xiriir fadlan la xiriir Dr. Jill Bowdon, oo ah maamulaha mashruuca daraasaddan, jbowdon@air.org.

Ma qabtaa wax su'aal ah oo ku saabsan aftidan?

Fadlan emayl ugu dir kooxda daraasada ciwaanka ah text4college@air.org ama naga soo wac khadka lacag la'aanta ah (toll-free) ee ah (866) 815-5094.

Ma qabtaa wax su'aal ah oo ku saabsan ardaygaaga xaquuqdiisa ee ka qaybgalaha cilmi-baarista?

Haddii aad wax su'aalo ah ka qabto xuquuqda ardaygaaga ee ka qaybgale ahaan cilmibaarista, waxaad kala soo xiriiri kartaa AIR's Institutional Review Board (IRB) (Guddiga Dib-u-eegista Hay'adda ee AIR (IRB)) , oo mas'uul ka ah ilaalinta ka qaybgalayaasha mashruuca, IRB@air.org; taleefanka khadka bilaashka ah 1-800-634-0797; ama c/o IRB, 1400 Crystal Drive, 10th Floor, Arlington, VA, 22202.

HAA, Waxaan rabaa in ardaygaygu ka qaybqaato.

Haddii ardaygaagu ka qaybqaadan doono, uma baahnid inaad tallaabo dheeraad ah qaaddo. Halkan ayaad ku joojin kartaa.

Maya, waxaan rabaa inaan ka baxo mashruucan aniga oo metelaya ardaygayga. Haddii aad jeceshahay inaad ka baxdo adiga oo metelaya ardaygaaga, waxaad sidaan ku samayn kartaa adiga oo soo booqanaya <https://form.jotform.com/210535563934053> oo buuxinaya foom kooban oo aan siin doono lataliyaha dugsiga sare ee ardaygaaga.